

VIII ԿԱՐԻՆ ՎԵՐԱԲԵՐՈՂ ՇԻՆԱՐԱՐԱԿԱՆ ԵՐԿՈՒ ՀԻՇԱՏԱԿՈՒԹՅԱՆ ՄԱՍԻՆ

ԳԱՌՆԻԿ ԵԱԿԿՅԱՆ

VIII—IX դարերում Հայաստանում արարական տիրապետության մոտ 200-ամյա լուծը արգելակիչ և կասեցնող նշանակություն ունեցավ հայ ժողովրդի տնտեսական ու մշակութային կյանքի՝ հատկապես ճարտարապետության և շինարարության զարգացման համար, Դրանով պայմանավորված՝ արարական տիրապետության շրջանում հայերի շինարարական գործունեության լուսարանումը մասնագիտական գրականության մեջ մնացել է բաց, Ուստի այդ շրջանին վերաբերող շինարարական բնութի յուրաքանչյուր փաստ կամ տեղեկություն որոշակի կարեւորություն է ներկայացնում հայ ճարտարապետության պատմության համար, Ասվաճի հետ առնչականորեն առնչվում են Հովհան Օձնեցի Իմաստասեր (717—728) և Դավիթ Արամոնցի (728—741) կաթողիկոսներին վերաբերող մատենագրական երկու հիշատակություն, որոնց շուրջ ցանկանում ենք խոսել ստորև:

Հայ պատմագիտության մեջ ընդունված է Հայաստանում արտաբնական տիրապետությանը սկզբնական շրջանը՝ 706—748 թվականներն անվանել համեմատաբար խաղաղ ժամանակաշրջան, նկատի ունենալով այդ՝ Լեոն մատնանշում է հայերի վերակենդանացող ձգտումը՝ արարական ուժիմն ազգային արժեքների պահպանման ու զարգացման գործում օգտագործելու համար և սպառնացող քաղկեդոնական վտանգից փրկությունը արարական ուժի մեջ տեսնելը (վերջինս մատնանշում է նաև Ն. Մառը)², Ասվաճի ճշմարտացիության մեջ համոզվում ենք, երբ ծանոթանում ենք Հովհան Օձնեցի կաթողիկոսի գործունեությանը, Մեզ են հասել պատմիչների (Կիրակոս Գանձակեցի, Վարդան Արեւելցի և ուրիշներ) հիշատակությունները և ավանդապատմային զրույցները նրա կյանքի ու գործունեության վերաբերյալ, Դրանք, որ երբեմն լատիզանցիությունների ու առառնակականության թողով են շղարշված, թեկուզ ամբողջությամբ եթե հիմնված չլինեն էլ ճշմարտությունների վրա, համեմատյան դեպս վկայում են Օձնեցու ապրած ժամանակ հայերի նկատմամբ խալիֆության մեղով վերաբերմունքի մասին, Հովհան Օձնեցին, քաղաքականության բնագավառում հետևելով Սահակ Չորսփորեցի կաթողիկոսին (677—703), վարում էր հակաբյուզանդական, արաբների հետ մերձեցման քաղաքականություն, որով նվաճել էր խալիֆության բարյացակամությունը, օգտագործելով այն զավանսարանական հարցերի կարգավորման, իր հոտի ապահովության ու խաղաղության համար, Հովհան Օձնեցու կրոնադավանաբանական և փիլիսոփայական գործունեությունը հայ պատմագրության մեջ ուղեկցվում է նաև շինարարական գործունեության հիշատակությամբ. «Շինել (Հովհան Օձնեցին—Գ. Շ.) և եկեղեցի մեծ ի գիւղն իւր Օձուն, որ հուպ է առ քաղաքն Լոռի»⁴, կամ՝ «Շինել և ինքն ի քաղում տեղիս եկեղեցիս որպէս և յիւրականն աւանի զերկնանմանն խորան, բարի առնելով տանն իւրոյ և ընտանեացն»:

Ինչպես հայտնի է, Օձունի գմբեթավոր բազիլիկ եկեղեցու հորինվածքի վերլուծության տվյալներով պատմիչների հիշատակությունը Հովհան Օձնեցու՝ հայրենի գյուղում «մեծ եկեղեցի» կառուցելու մասին, չի հիմնավորվում, բայց որ նա ուղեկցվում էր ինքն և ինքն ի քաղում տեղիս եկեղեցիս որպէս և յիւրականն աւանի զերկնանմանն խորան, բարի առնելով տանն իւրոյ և ընտանեացն:

1 Հ. Մանանդյան, Քննական տեսություն հայ ժողովրդի պատմության, հ. Բ, մաս Բ, Երևան, 1960, էջ 392, Լեոն, Երկերի ժողովածու, հ. II, Երևան, 1967, էջ 378.


2 Н. Я. Марр, Аркаун, монгольское название христиан, СПб., 1905, с. 5.

3 Կիրակոս Գանձակեցի, Պատմություն հայոց, Երևան, 1961, էջ 67—69, Հ. Մոսկովսկայն, Հայաստանի պատմություն, Երևան, 1961, էջ 822—825.

4 Կիրակոս Գանձակեցի, նշվ. աշխ., էջ 70:

5 Վարդան, Ճառ ի վերայ Յոհան Օձնեցու ըստ խնդրոյ Համազասպ եպիսկոպոսի Հաղաթաղ (Վերաբար, 1888, № 10, էջ 584):

հետ, դրանում ուսումնասիրողները միակարծիք են: Այդ կապակցությամբ Վ. Հարությունյանը գրում է. «Ամենից ճիշտը այն է, որ Հովհան Օձնեցու շինարարական գործունեությունը սահմանափակվել է արդեն գոյություն ունեցող տաճարի վերանորոգմամբ և նրան կից կառուցումների ավարտմամբ, որոնց հետքերը դժվար չէ տեսնել նաև այժմ»⁶ (զրեթե նույնը մատնանշում են նաև Գ. Լևոնյանը, Հ. Նզիազարյանը, Ա. Վիսոցկին և ուրիշներ): Օձունի եկեղեցուն կից կառուցումների տակ առաջին հերթին պետք է հասկանալ աղսթասրահը երեք կողմից եզերող բաց սրահը, որը թեպետ ժամանակակից չէ եկեղեցուն (հավանական է համարվում, որ նախնականը եղել է փայտաշեն), սակայն ունիտորեն ներդաշնակում է նրան, մեծ չափով հարըստացնելով արտաքին տեսքը (գծ. 1): Արտաքին սրահի զգալի չափերը (մոտ 4 մ լայնությամբ և 70 մ բնդհանուր երկարությամբ), նշանակալից ճարտարապետական հորինվածքը բնութագրում են այն որպես այդ ժամանակի համար կարևոր շինարարական-ճարտարապետական իրողություն:




Գծ. 1

Հովհաննես Դրասխանակերտցին նշում է, որ Հովհան Օձնեցին «...կալա իսկ սովորութիւն գեղեցիկ զարդուք պնդագգեստեւ զանշունչ քարինս եկեղեցւոյ»⁷: Դրասխանակերտցուն կարծես թե լրացնում է Վարդան Արեւելցին, երբ գրում է. «Շինէր և ինքն ի բազում տեղիս եկեղեցիս...»: Այդ դեպքում դժվար թե Օձնեցու շինարարական գործունեությունը սահմանա-

⁶ Б. Н. Аракелян, В. М. Арутюнян, С. Х. Мнацаканян, О некоторых вопросах истории армянской архитектуры, Ереван, 1969, с. 82.

⁷ Հովհաննես Դրասխանակերտցի, Պատմութիւն, Նրուսաղէմ, 1867, էջ 130:

փակվելը միայն Օձունի եկեղեցու արտաքին սրահի վերականգնմամբ և եկեղեցու նորոգմամբ։ Օձունից ոչ հեռու՝ Արդվի գյուղի Հյուսիսարևմտյան մասում է գտնվում Հովհան Օձնեցու անվան հետ կապվող «Սրբանեսի» (Ուրբը Հովհաննեսի) կողմող վանքը։ Այն ներկայումս բաղկացած է երկու միանավ իրար կից թաղակապ ոչ մեծ դահլիճներից և առանձին կանգնած զանդակատներից (գծ. 2)։ Հյուսիսային եկեղեցու բնմին կից, երկայնական առանցքից շեղված դիրքով, գտնվում է քարարկղային սարկաֆագ՝ ծածկված երկլանջ սալով, որ վերագրվում է Հովհան Օձնեցուն։ «Տաշիր Լուի է, ուր... կայ տապանն սուրբ պատրիարքին Հայոց Յովհաննես Օձնեցուն»։ Այդ մասին հիշվում է նաև «Հայսմավուրք» ժողովածուում։ «...և կացեալ ի հայրապետութեան ամս մետապան սքանչելի քաղաքավարությամբ և նշանագործ սրբութի փոխեցաւ առ իս. և թաղեցաւ յանապատին իւրում»։



Գծ. 2

Կից դահլիճների կոնստրուկտիվ ուսումնասիրությունը ցույց է տալիս, որ դրանք իրենց սկզբնական վիճակով համաժամանակյա կառուցման արդյունք չեն։ Այդ են վկայում նրանց միջև ներսից և դրսից գոյություն ունեցող ուղղածիզ կարերը, իրար հետ կապող մուտքային բացվածքի լարավորի և եզրային քարերի տվյալները և, որ կարևոր է, Հյուսիսային դահլիճի արևելյան ճակատի ստորին մասի խոշոր, արատաշ 2—3 շարք նախնական շարվածքի պահպանվածությունը (նկատենք, որ Հյուսիսային դահլիճի մնացած մասերը և մյուս կառույցները մանր, կոպտատաշ քարերով են)։ Որ հարավային դահլիճը հետո է կցված, այդ են վկայում նաև հատակի տապանաքարերի մի մասի ծածկված լինելը նրա Հյուսիսային պատով։

Հյուսիսային դահլիճի նախնական շինության մնացորդները (արևելյան պատի ստորին 2—3 շարք, ընդհանուր մուտքային բացվածքի բարավորի և եղրաքարեր) իրենց հատկանշական գծերով մատնում են նրա վաղ շրջանին պատկանելը։

Ներսում քարարկղային սարկաֆագի գոյությունը, սերնդե սերունդ փոխանցվող ավանդությունները, կապված Հովհան Օձնեցու անվան հետ, և պատմիչների հիշատակությունները (որ Հովհան Օձնեցին «թողեալ էր զաթոռ կաթողիկոսութեն. և ստացել վարս կրանաւորականս...»¹⁰ կամ «և իւր ընտրեալ տեղի բնակութեան սակաւ մի ի բացեալ ի գիւղէն անդ դադարէր»¹¹) հավանական են դարձնում Հյուսիսային դահլիճի նախնական շինության կառուցվելը Հովհան Օձնեցու կողմից։

Հյուսիսային դահլիճի սկզբնական տեսքի խաթարվելն անհիշատ է. նրա վերակազմության համար բավարար տվյալներ չկան։ Հավանական կարող է համարվել, որ ներկայիս շինությունը բարձրացվել է գոյություն ունեցածի մնացորդների վրա, թեպետ նախապես եկեղեցի լինելը հակասության մեջ կարող է գտնվել եկեղեցիներում թաղումն արգելելու վերաբերյալ քրիստոնեական օրենքի հետ։

Օձնեցուն հաջորդող շրջանում արարները վերսկսեցին իրենց սահմանափակումները հայ եկեղեցու նկատմամբ։ Այն աստիճան աննպաստ դարձավ նախորդ կյանքը արարների միջավայրում, որ Հովհան Օձնեցուց հետո կաթողիկոսական աթոռը դրադեցրած Դավիթ Արամեցին թողեց աթոռանիստ Դվին մայրաքաղաքը (որը միաժամանակ արար ոստիկանի նստավայրն

⁸ Վարդան, Աշխարհացոյց, Բարիզ, 1960, էջ 17։

⁹ «Տալսմաւորք», Ա, Կոստանդնուպոլիս, 1834, էջ 121։

¹⁰ Զովսեփյան, Մխիթար Այրիվանեցի, նորոգուտ արձանագրություն և երկեր, Երևան, 1932, էջ 18։

¹¹ Կիրակոս Գանձակեցի, Նշվ. աշխ., էջ 70։

էր) և տեղափոխվեց հայրենի Արամոնք գյուղը՝ Հաղորդելով այդ մասին, պատմիչները (Հովհաննես Դրասխանակերտցի, Սամվել Անեցի, Վարդան Բարձրբերդցի, Կիրակոս Գանձակեցի և ուրիշներ) միամասնակ նշում են Արամոնքում Դավիթ կաթողիկոսի՝ եկեղեցի և կաթողիկոսարան կառուցելու փաստը։ Հովհաննես Դրասխանակերտցին հաղորդում է. «շինէ (Դավիթ Արամոնքին—Գ. Շ.) եկեղեցի ի գեօղն Արամոն գեղեցկությամբ յարդարմամբ. և զնէ շուրջանակի նորա տուն բնակութեան՝ վախելու իմն յարմարեալ»¹²։ Մասնագիտական գրականության մեջ պատմիչների հիշատակությունը կապվում է Արամոնքում (այժմ՝ Արովյանի շրջանի Արամուս գյուղը) գոյություն ունեցող կիսավեր քառախորան կենտրոնազմբեթ եկեղեցու հետ, և մի շարք փաստարկումներով հնարավոր չհամարելով, որ այն կարող է Դավիթ Արամոնքու կառուցածը լինել, հեղինակները չեն ընդունում պատմիչների հաղորդման հավաստիությունը։ Ուշադրության չի առնվում այն հանգամանքը, որ Դավիթ Արամոնքին կարող էր կառուցել եկեղեցի՝ կենտրոնազմբեթ եկեղեցուց անկախ, որը կարող էր մեղ չհասնել։

Դավիթ Արամոնքու՝ եկեղեցի և կաթողիկոսարան կառուցելու մասին պատմիչների հիշատակությունները առնչվում են XIII—XIV դդ. պատմիչ Ստեփանոս Օրբելյանի մի հաղորդման հետ. «...Յովհանն ոմն ի Թեոդուպոլիս եղև կաթողիկոս. և եկեալ եղ աթոռ ի Կոտայսն յԱրամոնս գիւղ...»¹³։ Խոսքը Հովհանն հակաթոռ կաթողիկոսի (մոտավորապես 584—610) մասին է, որը կառուցել է Ավանի եկեղեցին և կաթողիկոսարանը։ Ըստ Օրբելյանի, Հովհանը կաթողիկոս է եղել (կամ օծվել) Թեոդուպոլիսում (Կարին), որտեղից եկել և կաթողիկոսական աթոռը դրել է Կոտայքի Արամոնք գյուղում (ինչպես ենթադրվում է՝ մինչև Ավանի եկեղեցու և կաթողիկոսարանի կառուցման ավարտը)։ Օրբելյանի տեղեկությունը Դավիթ Արամոնքու շինարարական գործունեության հետ առնչվում է նրանով, որ հիմն Հովհանը կաթողիկոսական աթոռը մինչև Ավան տեղափոխելը դրել է Արամոնքում, նշանակում է այնտեղ արդեն պետք է լիներ և՛ եկեղեցի, և՛ նստավայր։

Ստեփանոս Օրբելյանի հիշատակությունը այն մասին, թե Հովհանն Բագարանցին որպես նստավայր ընտրել է Արամոնքը, հաստատում չի գտնում հայ պատմագրության մեջ։ Օրբելյանից վաղ (այդ թվում Հովհանն կաթողիկոսին զրեթե ժամանակակից) շատ հիշատակություններում (Սիսեռոս, Անանուս ժամանակագրություն, Հովհաննես Դրասխանակերտցի, Կիրակոս Գանձակեցի և ուրիշ.) խոսվում է Հովհանն հակաթոռ կաթողիկոսի մասին, սակայն կաթողիկոսական աթոռը Արամոնքում հիմնելու վերաբերյալ խոսք չկա։ Այդ հիշատակություններից համեմատաբար հանգամանալից է Հովհաննես Դրասխանակերտցունը. «Յետ այսորիկ ըստ հրամանի կայսերն Մօրկայ զՅովհանն ոմն ի գաւառն Կողայ ի Բագարան գեղջէ, կացուցանեն կաթողիկոս յունական կողմանն, քանկեցուցանելով զնա ի քաղաքագիւղն Ավան, ուր և շինեաց իսկ ինքնին Յովհանն զպայտառակիրս քաւարանն սուրբ, և շուրջանակի նորա զարդաբեաց կալուածս կայանի իւրոյ»¹⁴։ Ինչպես երևում է, Օրբելյանի հիշատակությունը էապես շեղվում է Դրասխանակերտցու և մյուս պատմիչների հիշատակություններից։ Ղ. Ալիշանը այդ կապակցությամբ գրում է. «Օրպպեանն պատմիչն սխալ է՝ յառաջ իսկ քան զԴավիթ աթոռ կաթողիկոսի կարգել աստ ի Յովհաննէ, փոխանակ Աւան գեղջ, որպէս հազդոյն պատմիչը ասանդեն»¹⁵։ Օրբելյանի հիշատակությունը հավաստի չի համարում նաև Ն. Ալիշանը. «Անտեղի է Ստեփ. Օրպպեանի տեղեկությունն թե, «Յովհանն ոմն... եկեալ եղ աթոռ ի Կոտայսն յԱրամոնս...»¹⁶։ Հովհաննես Դրասխանակերտցին անհամեմատ մոտ է կանգնած Հովհանի ապրած ժամանակին։ Մյուս կողմից նրա հաղորդած տեղեկությունները հարազատ են VII դարից եկող հիշատակություններին և հանդիպում են նաև հետագա դարերի պատմիչների մոտ։ Դրան հակառակ Օրբելյանը իր աղյուսած ժամանակով զրեթե 700 տարի հեռու է Հովհանի ժամանակից և շատ չափանակ է, ինչպես այդ հաճախ է պատահում ուշ շրջանի պատմիչների մոտ, նրա հաղորդած տեղեկության մեջ շփոթված են տեղանունները։ Դա հաստատվում է նաև նրանով, որ Շրբելյանը ոչինչ չի ասում Հովհանն կաթողիկոսի՝ Ավանում եկեղեցի և կաթողիկոսարան կառուցելու մասին։

12 Հովհաննես Դրասխանակերտցի, նշվ. աշխ., էջ 104—105։

13 Ստեփանոս Օրբելյան, Պատմութիւն նահանգին Սիսական, Թիֆլիս, 1910, էջ 90։

14 Հովհաննես Դրասխանակերտցի, նշվ. աշխ., էջ 93—94։

15 Ղ. Ալիշան, Այրարատ, Վենետիկ, 1890, էջ 562։

16 Ն. Ալիշան, Կյուրոն կաթողիկոս վրաց, Վիեննա, 1910, էջ 126։

Օրբելյանի հիշատակությունից անկախ որոշակի է, որ Արամոնցում, մինչև Դավիթ Արամոնցու տեղափոխվելը, եղել է եկեղեցի, որի վանահայրը, ինչպես հիշվում է «Գիրք թղթոցի» մի վավերագրում, մասնացել է 607 թ. Դվինում գումարված եկեղեցական ժողովին¹⁷, կամ, ինչպես հաղորդում է IX դ. վրաց պատմիչ Արսեն Սափարացին, Փաղկեղոնի ժողովի կողմնակից բահանաների յաստանի եկեղեցիների բաժանման ժամանակ, Փաղկեղոնի ժողովի կողմնակից բահանաների թվում նաև վտարվել է Այրարատից¹⁸։ Սակայն այդ հանգամանքը հիմք չի տալիս ենթադրելու, որ Դավիթ Արամոնցին չէր կարող նոր եկեղեցի կառուցել, քանի որ հինը արդեն կաշու էր և անկառավար դեպքում կարելի էր կարծել, որ Հռիփսիմին էկեղեցին անհետացրել էր և 607 թվականին, ինչպես հիշվում է Կոնիստանտնուպոլսի արձանագրության մեջ, այլ 607 թվականից առաջ, քանի որ «Գիրք թղթոցի» նույն վավերագրում Դվինի ժողովի մասնակիցների թվում հիշվում է նաև «սուրբ Հռիփսիմին Սամուել» վանահայրը։

Մասնագիտական գրականության մեջ, վկայակոչելով շինել բայի Հ. Օրբելու մեկնությունները¹⁹, Դավիթ Արամոնցու մասին հիշատակությունը դիտվում է ոչ թե որպես նորը կառուցելու, այլ գոյություն ունեցողը նորոգելու, կառուցումն ավարտելու տեղեկություն։ Ասվածը վերաբերում է եկեղեցու շինարարությանը, բայց ոչ՝ կաթողիկոսարանին, որի կառուցումը ուղարկության չի առնվում այդ խնդրի անդադարձած հեղինակների կողմից։ Հ. Օրբելին շինել բայի իմաստային մեկնությունը կատարել է ոչ թե ընդհանրապես, այլ կոնկրետ պայմաններում։ Անեի Պալատական եկեղեցու երկու արձանագրությունների առիթով։ Դրանցում, ըստ Օրբելու, շինել բայը կառուցելի իմաստով՝ արձանագրությունների կառուցվածքային և հնագրական վերլուծությամբ, չի արդարացվում։ Պետք է նկատել, որ ինչպես Հ. Օրբելուց առաջ, այնպես էլ նրանից հետո եղել են վեճեր՝ կապված այդ արձանագրությունների ժամանակի և իմաստային նշանակության մեկնության հետ²⁰։

Իհարկե, շինել բայը կարող է ստանալ նաև՝ նորոգելու, հորմարեցնելու, բարեկարգելու իմաստ, սակայն ոչ բոլոր դեպքերում։ Հ. Օրբելին հենց ինքն է մատնանշում, թե այն կիրառելի է միայն «մեծ նորոգումների կամ ուղղումների առկայության պայմաններում»։ Կամ նույն հաջողությամբ կարելի է կասկածի տակ առնել հայ ճարտարապետության շատ հուշարձանների կառուցման ժամանակ՝ ավանդված պատմիչների հիշատակությունում։ Պետք է նկատի ունենալ նաև, որ Հ. Օրբելին շինել բայի երկրորդ իմաստը մատնանշում է՝ այն արձանագրությունների մեջ գործածվելու դեպքում։ արձանագրությունների հնարավորությունները պատմիչների հիշատակությունների համեմատ զգալիորեն սահմանափակ են, և նրանցում ամեն ինչ չէ, որ մանրամասնորեն շարադրվում է։ Ուստի բառերի երկմաստություններ (ոչ միայն շինել բայի) արձանագրությունների տեքստերից ինքնուրույն հանդիսանում են, ինչը չի կարելի ասել պատմիչների հիշատակությունների մասին, որոնք սովորաբար հարկ եղած ծավալով շարադրվում են։ Դրականության մեջ նաև իշխում է, որ շինող և շինել տերմինների բազմիմաստությունը վկայվում է բացառապես ուղ շրջանի աղբյուրներով²¹։

Արամուսի եկեղեցու կառուցման վերաբերյալ Հովհաննես Դրասխանակերտցու և մյուս պատմիչների հանդիմանալից ու տրամաբանական հաղորդումների մեջ շինել բայից այլ իմաստ չի բխում՝ բացի իր ուղղակի կառուցել իմաստից։

Դավիթ Արամոնցու կաթողիկոսության տարիները (728—741) համընկնում են Հայաստանում արարական տիրապետության մի ժամանահանադավածի հետ։ Ընկնելով դրանից, նրա շինարարական գործունեությունը ուսումնասիրողների մի մասի կողմից անհավանական է հանաչվում՝ VIII դ. Հայաստանի սոցիալ-տնտեսական ծանր պայմանների հետևանքով։

Արարական տիրապետության շրջանում հայ ժողովրդի շինարարական գործունեության խնդրի ուսումնասիրությունը²² ցույց է տալիս, որ արարական լուծը Հայաստանի համար չի

¹⁷ «Գիրք թղթոցի», Թիֆլիս, 1901, էջ 151, հմտ. Գ. Հովսեփյան, Նյութեր և ուսումնասիրություններ հայ արվեստի և մշակույթի պատմության, պր. Գ. Նյու-Ցորք, 1944, էջ 20։

¹⁸ Լ. Մելիքսեթ-Քեչկ, Վրաց աղբյուրները Հայաստանի և հայերի մասին, հ. Ա, Երևան, 1934, էջ 34։

¹⁹ Н. А. Орбели, Избранные труды, Ереван, 1963, с. 419.

²⁰ Վ. Հարությունյան, Անի քաղաքը, Երևան, 1964, էջ 57։

²¹ Պ. Մուրադյան, ճարտարապետ Թոդոսյանի շինարարական գործունեության ժամանակի խնդիրը (սահմանափակ մշակույթի և արվեստի պրոբլեմներին նվիրված հանրապետական IV գիտական կոնֆերանս, զեկուլումների թեղեր, Երևան, 1979, էջ 99)։

²² Գ. Շախկյան, Արարական տիրապետության շրջանում հայ ժողովրդի շինարարական

եղել միանշանակ իրողություն, տարբեր ժամանակներում և տարբեր վայրերում այն ունեցել է տարբեր դրսևորումներ, Շինարարական աշխատանքների կատարման անհնարինությունը բացարձակ չի եղել, VIII դարի առաջին կեսին (Օմայանների հարստության փրայսնությունն սամանակ) խալիֆության ներքին ու արտաքին հակասությունների, զահալալական ու ժառանգության շուրջ ծավալվող կոիվների հետևանքով Հայաստանը հաճախ դուրս է մնացել խալիֆության անսաղաշտից, և հայ ժողովուրդը չնչին հնարավորություններն իսկ օգտագործել է վերաշինելու ավերված բնակավայրերը, շինությունները, կառուցելու նորերը, Դրամով է բացատրվում, որ 706—748 թվականները հայ պատմագիտության մեջ անվանվում են թաղաքաշինության Պարոզ է, որ հիմքեր չկան պատմիչների հիշատակությունները՝ Դավիթ Արամոնցի կախողիկոսի կողմից եկեղեցի և կաթողիկոսարան կառուցելու մասին հավաստի չճանաչելու, թեպետ նրա կառուցած եկեղեցին և կաթողիկոսարանը այսօր փաստական ավայրներով հնարավոր չէ որոշակիացնել, Արամոնցում կաթողիկոսական պալատի մնացորդներ հայտնի չեն, դրանք ի հայտ բերելու ուղղությամբ էլ պեղումներ չեն կատարվել և բացի պատմիչների համառոտ տեղեկությունից, նրա հարմարավետության մասին, այլ տվյալներ չկան, Եթե զատելու լինենք արարների գերիշխանության ժամանակ կառուցված Արուճի կամ հայտնի մյուս կաթողիկոսարանների միացորդների չափանիշներով և նկատի առնենք, որ Դավիթ Արամոնցին, Սամովել Անեցու հիշատակության համաձայն²³, այդտեղ կաթողիկոս է եղել 10 տարուց ավելի, ապա հավանական կարող է համարվել, որ Արամոնցի կաթողիկոսարանը եղել է աչքի ընկնող կառույց, Դրամով ողողակիություն կարող են մտցնել միայն պեղումների արդյունքները, Դուրսն ունեցող կիսավեր բառախորան կենտրոնագմբեթ եկեղեցու ժամանակի խնդիրն էլ հրատակեցված չէ, ուսումնասիրողների մոտ նրա թվագրումը տատանվում է VI դ. վերջից մինչև VIII դ. կեսերն ընկած ժամանակահատվածում:

Ամփոփելով վերոգրադրյալը, կարող ենք եզրույթանել.

ա. Կաթողիկոսներ Զովհան Ծնեցին և Դավիթ Արամոնցին, որոնց պիտակալության տարիները համընկնում են արաբական տիրապետության առաջին շրջանի հետ (Օմայանների հարստության ժամանակաշրջան) զբաղվել են նաև շինարարական գործունեությամբ (Օձունի գմբեթավոր բաղնիկի նորոգում, արտաքին սրահի վերակառուցում, Արդվիի վանքի դահլիճի նախնական շինության կառուցում, Արամոնցում եկեղեցու և կաթողիկոսարանի կառուցում):

բ. Շինարարական նշված իրողությունները իրենցով լրացնում են արաբական տիրապետության ժամանակ հայ ժողովրդի շինարարական գործունեության վերաբերյալ փաստական և մատենագրական հայտնի սուղ տեղեկությունների շարքը:

գ. Դրանք ոչ միայն այդ շրջանում հայերի շինարարական գործունեության լուր փաստեր են, այլև ունեն VIII դ. Հայաստանի սոցիալ-տնտեսական կյանքը բնութագրող կարևոր նշանակություն:

О ДВУХ СТРОИТЕЛЬНЫХ УПОМИНАНИЯХ, ОТНОСЯЩИХСЯ К VIII ВЕКУ

ГАРНИК ШАХКЯН

Резюме

Рассматриваемые историографические упоминания относятся к католикосам Иоанну Одзнецу (717—728) и Давиду Арамонци (728—741), религиозно-конфессиональная деятельность которых сочеталась со строительной деятельностью (реставрация Одзунской купольной базилики, реконструкция наружной галереи, постройка первоначального сооружения северной церкви монастыря Ардвин, церкви и патриаршего дворца в Арамонке).

Факты строительства, относящиеся к суровому времени арабского ига, имеют важное значение для характеристики социально-экономической жизни Армении в VIII в.

գործունեության հարցի շուրջ («Հայաստանի մշակույթի և արվեստի պրոբլեմներին նվիրված՝ անընդհատական V դիտական կոնֆերանս, զեկուցումների թեզեր», Երևան, 1982, էջ 161—162):

²³ Սամվել Անեցի, Հուարմոնցի զրոց պատմադրաց, Վաղարշապատ, 1893, էջ 87.